




醫酉壘元戎

一	二	三	四	五	六	七	八	九	十	漢書門
一	二	三	四	五	六	七	八	九	十	類號函架冊

三	二	一	四	三	二	一	四	三	二	一	漢書
三	二	一	四	三	二	一	四	三	二	一	類號冊架

內閣文庫	
番號	漢 12423
冊數	12 (8)
函號	300 217





海山醫局
醫壘元

醫壘元或卷第八

趙州教授進之王好古
重刊

明監察御史東萊桂亭綦才命粹

兩淮運同四明屠本峻重刊

兩淮運副姚江嚴昌世校正

太陰證

草豆蔻散 食前服思食後服消食

草豆蔻 麩裹煨熟取藥 乾木瓜 一兩半 去鬲子

硝砂仁 兩半 薑屑 三錢 甘草 三錢 益智仁 三錢半

陳皮 三錢 鹽 炒三錢

長壽堂

一

右一法加神麴一兩麥蘖七錢半一法加烏梅肉三錢

局方草豆蔻散 主治脩製並見本方

草豆蔻丸 王海藏法

右以草豆蔻為細末生薑汁打糊為丸桐子大每服二三十九丸米飲下嚼服亦得

易簡縮脾湯

解伏熱除煩消暑毒上吐下利霍亂之後服熱藥過多煩燥宜服之

草果 四兩 烏梅 四兩 硝砂仁 四兩 乾薑 二兩

甘草 四兩

右咬咀每服五錢水一碗生薑十片煎八分以熟水浸冷極冷旋旋服之一方治尊年人加附子一兩一方加炒白扁豆二兩暑月多以此代熟水飲之極妙若傷暑頭痛發熱宜用此下消暑丸若因飲食生冷過多至霍亂吐瀉者宜用此先以治中湯二陳湯之類煎服煩燥甚者方以浸冷香茹湯服之自然平治今人往往屬香薷飲之證才見霍

亂遽爾投之殊不知夏月伏陰在內因食生冷以致霍亂豈可投以浸冷之藥故合先治中脘方以此藥解其煩燥不可不知若飲水過多小便赤澀當服五苓散 若盛夏於道塗間爲暑氣所悶倒不省人事急投在陰涼之處切不可與冷水以布巾衣物等蘸熱湯慰臍下及丹田氣海及續以湯淋臍上令徹臍腹溫暖卽漸甦醒若商賈及傭顧之人倉卒無湯掬路中熱土於臍上撥開作竅令溺其中并以大蒜爛碾以水調灌下一法用道中

熱土急爛碾冷水調服仍以蒜少許置鼻中氣透則蘇續以白虎湯竹葉石膏湯之類凡覺中暑者急嚼生薑一大塊冷水咽下暑氣中人慎不可以冷水亦不宜單以冷水灌之來復丹消暑丸皆可用也

橙皮丸

調中順氣生津止渴

烏梅肉

一兩

白朮

半兩

木瓜

二兩

乾生薑

二錢二分

白茯苓

半兩

橙皮

半兩

沉香

半兩

糖霜

二兩

右爲細末煉蜜爲丸每兩作二十五丸欲作湯水

用水化開寒熱溫涼任意飲之噙化亦可
法製陳皮消食化氣寬利胸膈

烏梅肉兩半 白檀二錢半 茴香二兩炒 甘草二兩炙

乾生薑兩半 青鹽兩炒 陳皮半兩去白取四兩切細末

右件除陳皮外並為細末用水一碗藥末三兩同
陳皮一處慢火煮候陳皮極軟控乾少時別用乾
藥拌勻焙乾每用不以多少細嚼嚥下無時

薑掬丸

此方與衍義同治下之後不能食食後必胞痞常

服益氣消食 衍義有陳皮

薑屑 麥蘖 神麴末炒各等分

右麴糊為丸桐子大米飲湯下三十丸

御方思食丸墨見活法

神麴一兩 木瓜半兩 烏梅肉二兩 麥蘖一兩

人參半兩 乾生薑二錢半 茯苓半兩 甘草七錢

桂半兩

右為細末蜜丸每兩作十丸

熱則泄肝膽口苦舌乾柴胡 烏梅 寒則補脾胃

思食丸

木香錢一

沉香錢二

半夏麴錢五

麥蘖兩一

陳皮錢五

烏藥錢二

檳榔錢二

人參錢三

白木錢五

右件為細末煉蜜丸桐子大每服三十丸米飲下

一法有烏梅肉神麴麥蘖乾生鹽為細末蜜丸

蘭省香爛飯丸

丁香錢三

沉香錢二

木香錢二

硝砂仁兩半

益智兩半

神麴錢三

麥蘖兩半

白檀錢二

三稜錢三

陳皮錢二

青皮錢三

甘松兩一

藿香錢二

甘草兩一

廣茂兩半

香附兩一

右為細末蒸餅丸

大生薑丸

補脾胃治口苦舌乾中脘不和脹滿嘔吐食不化

酒病翻胃

人參兩一

良薑兩一

丁皮兩一

桂心兩一

丁香兩半

桔梗兩半

川芎兩半

白朮兩半

嘔噦一條本出於胃當例陽明條下以其脾病連

醫聖元天卷之八
五
及於胃若食生冷硬物先入胃次傳脾所以中州
之病並稱之曰脾胃故叔和云脾藏象中坤安和
對胃門後又云二斤十四兩三斗五升存是為脾
連及於胃也戊與巳合何嘗有二哉今此嘔噦諸
證湯丸等劑雖屬於胃姑例於太陰條下古人交
經用藥何嘗相離

王朝奉嘔論

嘔者病源云熱在脾胃也胃家虛冷亦嘔也噦者
胃家虛冷也又病人本虛伏熱在胃則胃滿故冷

氣逆故噦 傷寒證桂枝證小柴胡證合病葛根
加半夏證黃芩加半夏證小青龍證四逆證真武
證梔子等湯證皆有嘔各自主治然小柴胡湯專
主嘔也嘔而發熱者小柴胡也嘔而胞滿者吳茱
萸湯乾嘔吐涎沫者吳茱萸湯金匱諸嘔吐穀不
得下者小半夏湯去茯苓胸中似喘不喘似嘔不
嘔似噦不噦徹心潰然無柰者生薑汁半夏湯噦
逆陳皮竹茹湯乾嘔而利者黃芩加半夏生薑湯
嘔噦手足逆冷者小陳皮湯嘔噦胸滿虛煩不安

大橘皮湯

仲景云傷寒咳逆脉散者死成注云火刑肺金也采奉議以噦者為咳逆非也噦胃也非咳逆可知奉議小半夏茯苓湯生薑煎小半夏橘皮湯生薑煎汁半夏湯橘皮湯陳皮生薑二味煎

大橘皮湯

理氣調中

陳皮

二錢

甘草

三錢

人參

半兩

生薑

二錢

右吹咀分作二服水煎服之

橘皮青竹茹湯

陳皮

二錢

竹茹

三錢

人參

半兩

甘草

二錢

右作三服薑煎

溫中丸

治脾寒嘔吐咳嗽自利

半夏

湯泡

乾薑

等分

右為細末生薑和汁丸桐子大每服二十九木瓜湯下薑湯亦可

海藏橘皮茯苓生薑湯

治咳逆解酒毒止嘔吐

陳皮

一兩

炙草

三錢

生薑

三錢

茯苓

半兩

一法加葛根神麩半夏吹咀煎服

活人治嘔噦手足逆薑橘湯

橘皮 生薑

活人大半夏湯

治痰飲脾胃不和

半夏 生薑 茯苓

右為麤末水煎如熱痰加炙甘草脾胃不和加陳皮

活人半夏生薑湯

治嘔飲絕

半夏 生薑 二味同煎服

桔梗半夏湯

治冷熱不合胸痞滿痰涎不利氣逆嘔噦

桔梗 半夏 陳皮 各等分

右為粗末水煎細末薑糊丸亦可

活人橘皮竹茹湯

治嘔逆

陳皮 竹茹 人參 甘草 各等分

右剉薑棗煎服

大橘皮湯

治動氣在上不可下食則吐隨證加減

陳皮 人參 甘草 生薑 棗 竹茹

吐咀水煎

橘皮半夏湯

治積氣痰痞不下
飲食嘔吐不止

陳皮一兩

半夏二兩

生薑一兩

右吐咀水五盞煎至二大盞去滓分三服食後臨卧服之

半夏茯苓陳皮湯

消飲止嘔
和中順氣

茯苓

半夏炮

陳皮去白

生薑

各一錢半

右吐咀水二盞半煎一盞去滓臨卧温呷之
易簡二陳湯

治痰飲為患或嘔吐惡心或頭眩心悸或中脘不快或發為寒熱或因食生冷脾胃不和並宜服之

陳皮

去白五兩

半夏五兩

茯苓三兩

甘草

右吐咀每服四錢水一盞半薑七片烏梅一箇煎至六分去滓熱服無時傷寒後不敢進燥藥者亦宜服餌如疴疾加草果一兩半下紅丸子如因酒食所傷發為黃疸亦宜用此二藥嘔吐甚者加丁香并服半硫丸一法仍用半夏為末每一兩入丁香一錢旋以生薑自然汁丸如桐子大先以湯二

蓋煎沸次下丸子藥煮令極熱以匙挑服用藥汁
嚥下更服養正丹或來復丹黑錫丹之類俟大便
利卽愈如妊婦惡阻古方用茯苓半夏湯服者病
反增劇不若用此藥極有神驗一方名枳實半夏
湯治痰飲停留胸膈痞悶或咳嗽氣寒頭目昏重
喘嘔惡心項背拘急半夏陳皮各一兩枳實減半
加生薑煎服一方名丁香茯苓湯治久積陳寒流
滯腸胃嘔吐痰沫或有酸水全不思食用木香丁
香乾薑附子半夏橘皮肉桂硝砂仁等分加生薑
煎服一方名曰白朮半夏湯治脾虛停飲痰逆惡
心中腕刺痛腹脅攪疼頭目昏暈肢節倦怠不思
飲食用白朮丁香赤茯苓各一兩半夏六兩肉桂
半兩陳皮二兩半亦加生薑煎服生薑乃嘔家聖
凡嘔吐宜多用之爲佳

易簡四七湯

治喜怒哀思驚恐憂之氣結成痰涎狀如破絮或
如梅核在咽喉之間咯不出嚥不下此七情之氣
所爲也或中脘痞滿氣不舒快或痰涎壅盛上氣

喘急或因痰飲中節嘔逆惡心並宜服之

半夏

五兩

茯苓

四兩

厚朴

三兩

紫蘇葉

二兩

右咬咀每服四兩水一盞半薑七片棗一枚煎至六分去滓熱服無時若因思慮過度陰陽不清濁相干小便白濁用此藥下青州白丸子氣為功當婦人惡阻尤宜服之一名厚朴半夏湯一名大七氣湯局方七氣湯有半夏五兩人參甘草官桂各一兩生薑煎服大治七氣并心腹絞痛然藥味大憇恐未能止疼順氣 一方治七氣所傷中脘

不快氣不升降腹脅脹滿用香附子炒半斤橘紅六兩甘草一兩煎服尤妙好事者謂其耗氣則不然蓋有此病服此藥也

赤茯苓湯

順氣消疾止嘔調中益氣補胃祛濕

陳皮

半夏

川芎

人參

白朮

赤茯苓

右為粗末薑水煎服

衍義有人曾患氣嗽將期或教以服陳皮生薑焙

乾神麴等分爲末糊丸桐子大食後臨睡服三十丸米飲湯下舊有膀胱疾自此皆愈

乳和薑皮湯 治赤白下痢神驗

陳皮 一兩 薑屑 三錢

右二味用牛乳一大盞和藥煎熟去滓入生牛乳

一半頓服

溫胃和痰丸 治中寒停飲胸膈痞塞痰涎

半夏 三兩 橘皮 去白二兩 乾薑 炮二兩 白朮 二兩

右爲細末薑汁糊丸桐子大每服二十九薑湯下

無時

大橘皮丸 趙十一郎家製之

陳皮 去白 茯苓 甘草 鹽淹薑 葛根麴

右細末煉蜜丸彈子大細嚼白湯下

小七氣湯 當在大半夏湯條下

治虛冷上氣喘塞不通

半夏 六錢 桂心 一錢 人參 一錢 生薑 半兩

右呔咀水四盞煎至二盞去滓三服相繼服無時

活人小半夏加茯苓湯

治諸嘔噦心下堅滿膈間有痰火心悸

半夏

五兩湯洗七次

茯苓

去皮三兩

右剉如麻豆大每服半兩水三盞煎至一盞秤生

薑四錢取自然汁投藥中更煎三兩沸熱服無時

青龍散

治咳嗽上氣不逆

人參

陳皮

紫蘇果

五味子

右細末每服三錢水一盞薑五片煎至七分去滓

溫服

人橘皮湯

治傷暑痰逆惡寒

陳皮

甘草

人參

右為麤末竹茹生薑棗煎如不惡寒者加竹葉

玉液丸

玉芝丸

主治修製並見局方

文潞公生犀丸

並見藥準

易簡消暑丹

見腸證附

局方王壺丸

主治脩製並見本方易老加

黃名水煮金花丸

治頭風口眼喎斜及風痰等證並見活法機要

南星

半夏

天麻

白麴

辰砂化痰丸

主治脩製並見局方

辰砂 南星 白礬 半夏

易老水煮金花丸

主治脩製並見活法機要

南星 半夏 天麻 寒水石 雄黃

白麩 生薑

右細末滴水丸桐子大煮熟生薑湯下

小黃丸

脩製並見活法機要

黃芩 南星 半夏 生薑

右薑汁打糊為丸

定喘丸

治虛人咳嗽胸滿及鼻息音大喘行坐無時連年不已或遠或近並能治之

人參 二錢半

南星 三錢

半夏 三錢

葶藶 半兩

右末之以生薑自然汁糊丸黍粒大每服三五十丸生薑湯下漸加亦可小兒服減丸數

二炒丹

治精滑夜夢鬼交洩出白液飲食少虛勞病或嘔或吐

半夏 半斤

木猪苓 半斤

右先以猪苓去皮切作斤子同炒微黄色半夏另
為細末用陳米飯搜和為丸豌豆大風涼一夜次
日將猪苓為粗末炒熱下丸子同炒稍乾為度乘
熱以紙裹至冷用木合子盛貯一法酒糊丸
消痰丸

細辛 桔梗 陳皮 旋覆花 神麩

枳實 半夏 茯苓 麥蘗 白朮各等分

右為細末薑汁糊丸桐子大薑湯下三五十九食
後服

安和丸 治脫證虛弱嗽年老虛人尤宜服之

粟殼二兩炒 陳皮二兩 炙草二錢半

一法加烏梅半兩為細末薑糊丸

玉芝丸 玉液丸

加生薑人參霍香各人參半夏丸

易簡參蘇飲 惺惺散 主治並見少陽柴胡例

仲景葶藶大棗瀉肺湯

治肺癰不得卧兼治支飲不得息 又見金匱

苦葶藶 炒香搗 大棗 二十枚

右丸如彈子大每用水三升大棗十枚煎二升化
一九再煎一升

三聖丸 治喘嗽而
目微腫

甜苦二葶藶

右末棗肉為丸葉豆大每服三十九臨卧薑湯下

仲景猪膏丸

治少陰病下痢咽痛胸滿心煩邪氣自少陽經傳
入少陰客熱

右用猪膚一斤水一斗煮取五升去滓入白蜜一

升白粉五合熬香和相得分作六服 水畜入腎猪
膚解熱潤燥

除煩粉以
益氣斷利

仲景白通猪膽汁湯 四逆猪膽汁湯 並見仲景
景本經

仲景猪肚丸

白木 四兩 牡礪 燒研 苦參 二兩

右為細末猪肚一枚內藥末纏定煮軟熱切碎碾
泥成膏和丸桐子大每服三十九米軟湯下

又猪肚黃連丸 見本
草

錢氏香連丸 橘連丸 並見
本草

猪肚丸

治官蒸唇紅頰赤氣粗口乾身壯熱多虛寒大便
秘小便赤食減少

鱉甲

醋炙 一兩

柴胡

一兩

木香

一兩

生地黄

一兩

青蒿

一兩

黃連

一兩

青皮

半兩

右為細末嫩大猪肚一枚入藥在內繫定蒸軟藥
肚仍碾勻可丸如菉豆大每服三十九丸米飲湯下
食前日三服忌熱物濕麪

補真丸一名大真丸

天門冬

三兩 去心

羊肉

三斤 去筋膜

肉蓯蓉

六兩 去粗皮

當歸

五兩 去蘆

右已上俱作片子焙乾為末焙先將羊肉煮去羊
血水洗淨再煮至熟去綿細筋膜研爛再入無灰
酒煮至成膏入上項藥末及糯米粉子半斤再煮
數十沸至稠粘膏子為度再入下項藥

黃耆

六兩

遠志

二兩

白朮

二兩

赤茯苓

四兩

枸杞

二兩

沉香

半兩

神麪

五兩

乾山藥

二兩

右為細末入上件膏子內同和更入宿蒸餅麪十

數兩搜和成劑至可丸即止丸如桐子大每服空心温酒送下七八十至百丸

猪蹄湯

知母 貝母 牡蠣

右為細末猪蹄四箇慢火煮軟熟用調服三錢七後滋味汁一碗投之少時熟蹄任意食用或先食蹄飽後服亦得

海藏評解利傷寒丸藥雜例並見本方注後

玄胡丸

玄胡半兩

青皮半兩

陳皮半兩

三稜半兩

廣茂

當歸

乾薑各半兩

雄黃五錢另研細

右醋糊為丸酒亦得每服二三十丸白湯下無時

解利內外傷

紫霜丸

治傷寒温肚內夾冷食或因得汗身熱不除及變蒸發熱日久不解飲食成癰俗呼為食迷風

代赭石

火煨醋淬一兩

杏仁

五十箇去皮尖麩炒另研

赤石脂

為末一兩

巴豆

三十粒去皮心油炒淬

右合碾勻湯浸蒸餅為丸黃米大小兒生三十日以外可一丸一年二年可三丸乳下米飲亦可

無名丸解內外傷

與四生丸例相似在半夏條下

代赭石

貫衆一兩

自然銅三兩三錢

醋淬丸次

寒水石

黑豆去皮四兩

茯苓一兩

右件通為細末水糊丸棗豆大每服三五十九尊

湯下米飲亦得

無名丸料

寒水石

一兩洗粉

貫衆

末之三錢半

代赭石

火燒酒淬末三錢半

黑豆麵

去皮一兩

茯苓

末之三錢半

自然銅

酒淬七錢半末

右無名丸此藥不知來例別無解利味數止是貫

衆治頭風有毒大抵解疫癘毒氣則効非若古法

之分經也本草云代赭石苦甘寒治鬼疰賊風自

然銅辛平無毒療折傷散血止痛貫衆治頭風半

夏治傷寒寒熱巴豆辛温主傷寒温瘧寒熱豉煎

亦解利右此三藥雖云治傷寒只治因內感而發

出者多効若外感一日太陽受之不宜用此等之

藥性者不可執此以解利外傷此藥大抵只治內

而不治外不能行經若要行經非湯液不能也代赭石自然銅二味兼以醋淬過煅以苦酒上火力同能上行故解利也若以代赭石自然銅二石性論下行之體無疑更宜詳紫霜丸主治傷寒溫壯內夾冷食一句即知無名體也

天麻辰砂丸

治內傷

天麻

四兩

雄黃

半兩

硃砂

三錢

巴豆

半兩去油皮二百粒

右爲細末每服三五丸白湯送下溫酒亦得食後蠟和丸黍米大

玄胡丸內有雄黃乾薑苦酒與此一體解利在厥陰門水香檳榔例後

安先生傳易老解利二藥

狼毒

大戟

草烏頭

生各等分

右爲末醱糊丸桐子大每服五七丸或十九丸溫水送下

解利傷寒嗜藥

乾山藥

一兩

藜蘆

連鬚一錢

右細末以紙撚嗜之

楊氏內解丸

芫花 紅藥子 各等分

右細末醋糊丸菉豆大溫水下二丸無時以葱白醋米湯投之

四生丸

南星 半夏 芫花 自然銅 等分以上皆生用之

右為細末醋打蕎麥糊為丸菉豆大如酒積痰飲胞膈脹滿飲食不消每用五丸臨卧溫水下忌熱物如傷寒時疾煎豉湯下一十九丸三服解如心氣

大痛醋湯下海藏云非湯液所用丸藥解利世多不同皆取此例

拾遺

大腸泄 小腸泄 大瘕泄 飧泄 洞泄

寒中 寒濕 溏泄 泄瀉 濕淫

燥濕 濕熱 風濕 驚澇 胃泄

脾泄 脫肚 臟毒 瘕血

凡此數條俱見湯液大法後

翻胃例

御醫楚侍藥白龍丸

治膈氣翻胃吐食大便結硬腸大便如常者不可服

半夏 三錢

輕粉 半錢

白麴 三錢

右挫末和勻水和作棊子或丸湯煮熟漉出放溫

臨卧作一服生薑湯下取下燥糞核為度

生薑半夏湯

止嘔吐開胃消食

半夏

三錢 咬咀

生薑

三錢切 作片子

右量水多少煎至七分

鷄屎體散

治蠱脹日食不能暮食不已

帝曰膚脹鼓脹可刺耶歧伯曰先泄其脹血絡後調

其經刺其血絡也

薑棗湯 此後二藥辛甘以助天五之氣

乾棗

去核 一斤

甘艸

三兩 挫灰

生薑

五兩 切片

右拌盆盛布盖淹一宿焙乾為末每一盞入鹽少

許點服鹽二兩炒白另入藥

棗艾丸

補胃

乾棗

去核

熟艾

然如棗核 人棗中

右以綿纏定濕紙裹溘灰火內煨紙焦爲度一日服三箇空心細嚼温酒下每日加一箇至九日後日減一箇至三箇依前再加一過三遭當進飲食也胃氣壯卽止不飲酒鹽湯下

太陰拾遺

肘後辨脾胃所傷變易形法

凡諸脾脉微洪傷苦澁物 微弦傷冷硬物

微澁傷辣辛物 微滑傷醒醜物

微遲傷冷痰積聚惡物 弦緊傷酸硬物 又主脾冷

微實主膈間有伏痰 或吐逆 洪緩傷甜爛物

緊惡膈間有硬積寒熱 單伏主物不消化

微浮胸中有小蟲動 又主寒熱 單緊主胸中急痛

單弦主胸中氣聚喘促 單洪主寒熱吐不食

單滑主脾寒吐逆 單浮男寒不進食

浮洪而數皆中酒

海藏所定脾脉一十七道安方大畧

傷苦澁物經云醜勝苦 傷辛辣物經云苦勝辛

傷醒醜物經云甘勝醜 傷酸硬物經云辛勝酸

傷甜爛物經云酸勝甘 傷冷硬物經云以克之
冷痰積聚惡物溫胃化痰膈間有伏痰或吐春夏
吐之秋冬導之

膈間有硬積寒熱溫化 胃中有小蟲檳榔之類
物不消化麩蘖三稜茂之類胃中急刺痛理中元
之類胃中氣聚喘促勻氣湯 寒熱吐逆不食橘
皮半夏白朮茯苓

脾寒吐逆枳實理中湯 胃寒不進食烏梅白朮
浮洪而數皆中酒葛根陳皮茯苓

金匱痰飲咳嗽病脉證治後代名醫所說皆取此爲
法

問曰夫飲有四何謂也師曰有痰飲有懸飲有溢飲
有支飲又問四飲何以爲異師曰其人素盛今瘦
水走腸間漑漑有聲謂之痰飲 後水流在脅下
欬唾引痛謂之懸飲 飲水流行歸於四肢當汗
出而不出汗身體疼痛謂之溢飲 其人欬逆倚
息短氣不得卧其形如腫謂之支飲 水在心心
下堅築築短氣惡水不欲飲 水在脾吐涎沫欲

飲水 水在脾少氣身重 水在肝脅下支滿而痛 水在腎心悸 夫心者有留飲其人背寒冷大如手 留飲者脅下痛引缺盆欬嗽則輒已轉作胸中有留飲其人短氣而渴四肢歷節痛 脉沉者有留飲 膈上之病滿喘咳吐發則寒熱背疼腰疼目眩自汗出其人振振身潤劇必有伏飲 夫病人卒飲水多必多暴喘亢食少飲多水停心下甚者則悸微者氣短 脉反弦者寒也皆大下後善虛脉偏弦者飲也 肺飲不弦但苦喘短氣

支飲亦喘不能卧加短氣其脉平也 病痰飲者當以温藥治之 心下痰飲胸膈支滿目眩 以

茯苓桂枝白朮甘草湯主之方

茯苓

四兩

白朮

五兩

炙草

二兩

桂枝

去皮

三兩

右呔咀以水六升煮取三升去滓分温服作三服 小便則利夫氣短有微飲當從小便赤也亦以上

藥主之腎氣元亦主之

方見胸氣論中

病者脉伏其人當自利利者反快雖利心下續堅滿此爲留飲欲去故也以甘草半夏湯主之方

甘遂

大者

半夏

二十枚温水洗次用水一升煮取半升去滓

芍藥

三枚

炙草

大者一寸

右四味咀水二升煮取半升去滓以蜜半斤和藥煎取八合頓服之

夫病懸飲者十棗湯主之方

芫花

熬

甘遂

大戟

各等分

右三味搗篩以水一升五合熬大棗十枚煮取八分去滓內藥強人一錢七弱人半錢平旦温服之不可者明日更加半錢下後糜粥以養之

病溢飲者當發其汗宜大青龍湯方

麻黃

去節六兩

桂枝

去麤皮二兩

炙草

二兩

生薑

二兩

石膏

小雞子大細研

杏仁

四十枚去皮尖

大棗

十枚去核

右七味以水九升先煮麻黃減二升去上沫內諸藥煮取三升去滓温服一升被覆令汗出汗者温粉撲之一服汗出者勿再服若復服汗多出者亾陽逆虛惡風煩燥不得眠也

病溢飲者當發其汗小青龍湯主之方

方見肺痿論

膈間支飲其人喘滿心下痞堅面色黧黑其脉沉緊

得之數十日醫吐下之不愈防已湯主之方

防已三兩

桂枝二兩

人參四兩

石膏雞子大十二枚

右四味咬咀以水六升煮取二升去滓分溫再服

虛者即愈實者三日復愈如不愈者宜去石羔加

茯苓芒硝湯方

防已三兩

兩

桂枝三兩

兩

人參四兩

兩

茯苓四兩

兩

硝磺三合

右五味咬咀以水六升煮取二升去滓內芒硝再

微煎分溫再服微利止

心下有交飲其人苦眩胃澤瀉湯主之方

澤瀉五兩

兩

白朮二兩

兩

右二味咬咀以水二升煮取一升去滓分溫再服

支飲胸滿者厚朴大黃湯主之方

厚朴一尺

去皮

大黃六兩

兩

枳實四枚

熬

右三味咬咀以水五升煮取二升去滓分溫再服

支飲不得息葶藶大棗瀉肺湯主之方

嘔家本渴今反不渴心下有支飲也小半夏湯主

之

半夏一升

生薑半斤各切薄片

右以水七升煮取一升半去滓分温再服千金云半夏加

茯苓湯主之

腹滿口乾舌燥此腸間有水氣防已椒目葶藶大黃

湯主之方

防已 椒目 葶藶 大黃各一兩

右四味為末蜜和丸桐子大米飲服一九日三服

稍增口中有津液止渴者加芒硝半兩

卒嘔吐心下痞膈間有水眩悸者小半夏加茯苓湯

主之方

半夏一斤 生薑半斤 茯苓三兩一方四兩

右咬咀水煎服

師曰以發其汗令陽微膈氣虛脉乃數數為客熱不能消穀胃中虛冷故吐也脉弦者虛也胃氣無餘朝食暮吐變為翻胃寒在於上醫反下之今脉反或名曰虛寸口脉微而數則無氣無氣則胃虛胃虛則血不足血不足則胸中冷跌陽脉浮而濡浮為虛濡則傷脾脾傷則不磨朝食暮吐宿食不化

名曰反脉浮而溢其病難治 病人欲吐者不可下之 噦而復滿視其前後知何部不利利之則愈 嘔而胸滿者茱萸湯主之方

吳茱萸升一 人參二兩 生薑六兩切 大棗二十枚劈

右四味呔咀以水五升煮取一升去滓温服七合

日三則乾嘔吐涎沫頭痛者茱萸湯主之方

嘔而腸鳴心下痞者半夏瀉心湯主之方

半夏二斤湯泡 黃芩 人參 灸草 乾薑切合三兩

黃連兩一 大棗十二枚

右七味以水七升煮取六升去滓再煎服一升日

三服

乾嘔而利者黃芩加半夏生薑湯主之方

黃芩三 灸草三 半夏半斤洗 芍藥二

大棗十二枚 生薑切兩半

右呔咀水一斗煮取一升去滓分温三服日二服

夜一服

諸嘔吐穀不得化下者小半夏湯主之方方見痰飲中

嘔吐而病在膈上後思水者急與解之猪苓湯主之

方

猪苓去皮 白朮 茯苓各等分
右咬咀水煎服

欬滿則止而復更渴衝氣復發者以細辛乾薑為熱藥此法逐渴反不止者為支飲也支飲法當治胃胃冷者必嘔水復與半夏以去其水方

茯苓四兩 乾薑三兩 五味子半斤 細辛三兩
炙草三兩 半夏湯洗七次去半斤
右六味咬咀以水八升煮取三升分溫三服

水去嘔則止其人形腫可內麻黃以其欲逐痺故不內麻黃乃內杏仁也若逆而內麻黃者以人必厥所以然者為其血虛麻黃發其陽故也

茯苓四兩 乾薑三兩 甘草三兩 五味子碎半斤
細辛三兩 半夏洗 杏仁去皮尖各半斤

右咬咀以水一斗煮取三升去滓溫又服

若面熱如醉狀者此為胃中熱上薰其面今熱加大黃湯主之

茯苓四兩 乾薑二兩 細辛二兩 大黃三兩

五味子

碎

半夏

洗

甘草

炙

杏仁

去皮尖
各等分

右八味以水一斗煮取三升去滓分溫三服

並見千
金方

先渴却嘔為水停心下此屬飲家小半夏加茯苓湯
主之方

金匱嘔噦下痢病脉證治後代名醫諸書半皆取此
以為法

夫嘔家有癰膿者不可治嘔膿盡則已 先嘔却渴
此為欲解先渴却嘔為水停心下此屬飲家嘔家

本渴今反不渴者以其心下有支飲故也此屬支
飲 問曰病人脉數數為熱當消穀引飲而反吐
者何也師曰以發其汗令陽微膈氣虛脉乃數云
見前

假令病人臍下有悸者吐涎沫而顛眩水也五苓散

主之

方見
局方

如心胸有停飲酒宿水自出水後心胸中虛氣滿不
能食消痰氣今能食茯苓飲方

附方

茯苓

三兩

人參

二兩

枳實

二兩

生薑

四兩

白朮三兩 橘皮二兩半

右咬咀以水六升煮取一升八合去滓分溫三服
如人行八九里進之見外臺

欬家其脉弦為有水十棗湯主之上方見

夫有支飲家欬煩胸中痛者不卒死至一百日一歲

與十棗湯 久欬數歲其脉弱者可治實大數者

死其脉虛者必苦胃其人本有支飲在胸故也治

屬飲家 欬逆倚息飲小青龍湯主之方見肺癰中

青龍已下多唾口燥寸沉尺微手足厥逆氣少復

上衝胸咽手足痺其人面赤如醉因復下溜陰股
小便難時復冒者可與桂枝五味子甘草湯治其

氣衝方

茯苓去皮四兩 桂枝去皮四兩 炙草三兩 五味子半斤

右四味咬咀用水八升煮取三升去滓分溫三服

衝氣即低而反更欬滿者茯苓五味子甘草去桂加

乾生薑細辛治之方一名甘草五味薑辛湯

茯苓四兩 炙艸三兩 細辛三兩 五味子半升碎

乾薑三兩

右呔咀水八升煮取三升去滓分温三服

嘔吐而滿在膈上後思水者猪苓散主之方見前

嘔而脉弱小便復利身有微熱見厥者難治四逆湯

主之方

灸草二兩 乾薑一兩半 附子一箇去皮切

右三味呔咀以水三升煮取一升三合去滓分温

再服強人可快附一枚乾薑三兩

嘔而發熱者小柴胡湯方

柴胡 人參 黃芩 生薑三兩

灸草 半夏 大棗一十枚

右七味呔咀水一斗二升煮取六升去滓再煎取

三升温服一升分三服

胃反嘔吐者大半夏湯主之方亦主膈間支飲

半夏洗用 人參切三兩 白蜜一升

右三味以泉水一斗二升和蜜揚之二百四十徧

煮藥取二升半去滓温服一升餘分再服千金云治胃反

不受食食已即吐外臺云治嘔心下痞硬者

食已即吐者大黃甘草湯主之方

大黃 四兩 灸草 二兩

右二味咬咀以水二升煮取一升去滓分温再服

外臺云又治吐水

胃反吐而渴欲飲水者茯苓白朮澤瀉湯主之方

茯苓 半斤 澤瀉 四兩 桂枝 二兩 去皮 灸草 二兩

白朮 三兩 生薑 切四兩

右六味咬咀以水一斗煮取三升内澤瀉在煮取

二升半去滓温服八合日二服 外臺云主消渴脉絕胃反不食又有

小麥一升

吐後渴欲得飲而貪水者文蛤湯主之方 兼主微脉緊頭

文蛤 五兩 麻黃 去節三兩 灸草 三兩 杏仁 五十枚 去皮尖

石膏 五兩 碎 生薑 三兩 切 大棗 十二枚 劈破

右七味咬咀以水六升煮取二升去滓温服一升

汗出愈

乾嘔吐逆涎沫半夏生薑散主之方

半夏 洗 生薑 各等分

右二味杵為散取方寸七漿水一升半煎取七合

頓服之

病人胸中似喘不喘似嘔不嘔似噦不噦澈心中憤憤然無柰者生薑汁半夏湯主之方

生薑汁一升 半夏洗半

右二味呖咀以水三升煮半夏取二升内生薑汁煮取一升半去滓水冷分四服日三夜一若一服止停後服

乾嘔噦若手足厥冷者橘皮湯主之方

橘皮四兩 生薑

右二味切以水七升煮取三升去滓溫服一升下

咽即愈

噦逆者橘皮竹茹湯主之方

橘皮二升 竹茹三升 大棗三十枚 生薑切半

人參一兩 炙草五兩

右六味呖咀以水一斗煮取三升去滓分服一升日三服

右此痰飲嗽一章內有治傷寒數方仲景用治雜病今余錄之使後人知云治傷寒有法治雜病有方者非也傷寒雜病同一治矣

嘔吐噦亦附錄之下痢數方錄在太陰上卷後

元氣卷第八

